

# Powšitkowne WOZJEWJENJA

njedźelu, 11. meje 2025

## Kapałnicy w Ralbicach

Drježdźanski hólči chór kapałnikow wuhotuje tutu njedźelu, 11. meje, w 14.00 hodź. nyšpor w Ralbičanskej cyrkwi. Wšitcy su k tomu wutrobnje přeprašeni. Po nyšporje budže zběrka za kapałnikow.

## Swójbne popoždno TCM přestorčene

Sekcija Swójbna Towarstwa Cyrila a Metoda z.t. je za njedźelu, 18. meje, planowane swójbne popoždno přestorčila. Příkladina je, zo wotměja so tu njedźelu paralelnje wjacore zarjadowanja móhrjec za samsnych ludži.

## Nalětni koncert chóra Lipa

Chór Lipa přeprašuje zhromadnje z Křesciansko-socialnym kubłanskim skutkom wšitkich zajimcow na nalětni koncert, kotryž wuhotuje njedźelu, 18. meje, w 15.30 hodź. na zahrodze Zežiwjenskeho a zeloweho centruma w klóštrje Marijinej hwězdze w Pančicach-Kukowje. Program wuhotuja Lipjenjo zhromadnje z Ralbičanskim chórom Lilija kaž tež Lipjanskej džěčinu Lipki. Wot 15.00 hodź. poskića tam kofej a tykanc.

## Wopomnjenska swjatočnosť za hwězdne džěci

Dušepastyr Kamjenskeje chorownje swjateho Jana Vincenc Böhmer přeprašuje zhromadnje ze šeflěkarjom dr. Pavelom Rubešom a teamom gynekologiskeho wotrjada wutrobnje na nyšpor, na kotrymž budu na hwězdne džěci (Sternenkinder) spominać. Wón je mysleny za potrjechenych staršich, jich swójbnych a dalšich, kotřiž so z nimi zwjazani čuja. Nutrnosť budže srjedu, 14. meje, w 17.00 hodź. na kěrchowje swjateho Justa w Kamjencu. Započatk je před tamnišej kapałku.

## Přednošk k předčitanskej funkciji

Korla Baier předstaji štwórtk, 15. meje, w 19.00 hodź. na žurli Budyskeho Serbskeho domu tak mjenowany TTS-system (text-to-speech) „bamborak“, kotryž je wón minjene lěta wuwil. Z nim móža so hornjoserbske teksty awtomatisce wot kompjutera předčitać dać. Přednošk, na kotrychž přeprašuje Maćica Serbska, budže w serbskej rěči. Zastup je darmotny.

## Albert Frey wuhotuje koncert w Rakečanskej ewangelskej cyrkwi

Pod hesłom „Swětła nadźije“ wotměje so pjatk, 16. meje, w 19.30 hodź. w Rakečanskej ewangelskej cyrkwi koncert z hudźbu a inspiraciju. Křescianski spěwytwórca a hudźbny producent modernych duchownych pěsnjow Albert Frey jón zhromadnje z dalšimaj hudźbnikomaj kaž tež direktorom džěćaceho pomocneho skutka Compassion Steve Volke wuhotuje. Wón budže wšelake teksty čitać. Zastup je wot 19.00 hodź. a darmotny. Wšitcy zajimcy su přeprašeni.

## **Prózdnińska jězba za 4. do 8. lětnik**

Dekanatne dušepastyrstwo za dźěći a młodžinu we Worklecach přeprošuje šulerki a šulerjow nětčišeho 4. do 8. lětnika w lětnich prózdninach na jězbu do Zehrena blisko Mišna. Jězba wotměje so wot pónđzele do pjatka, 21. do 25. julija. Swójski přinošk na wobdźělnika wučinja 115 eurow. Přizjewjenja přijimuju hač do njedzele, 18. meje, online. Link na wotpowědnu stronu je pod [www.posol.de](http://www.posol.de) wozjewjeny.

## **Putnikowanje młodostnych do Roma**

Podobnje swětowemu zetkanju młodžiny wotměje so w lěću Tydžeň młodžiny w Romje. Na njón je njeboh bamž Franciskus přeprosył. Młodostni su přeprošeni so na putnikowanju z biskopom Heinrichom Timmereversom wot wutory, 29. julija, do pónđzele, 4. awgusta, wobdźělic. Nimo Roma wopytaja tež Assisi. Zajimcy měli so hač do pjatka, 31. meje, online přizjewić. Link k tomu kaž tež nadrobny program nańdu pod [www.posol.de](http://www.posol.de).

## **Serbska putnińska jězba**

Na serbsku putniku jězbu do Weserskich horin wot pónđzele do štwórtka, 14. do 17. julija, přeprošuje Radworske Šmitec-Schwarzec busowe wozydłownistwo. Duchowny nawod změje farar Gabriš Nawka. Přizjewjenja přijimuju w Radworju, telefonowe čisło (03 59 35) 28 60.

## **Prewentiwne kubłanje na polu wotwobaranja seksualizowaneje namocy**

Wotwobarać seksualizowanu namóc je wažny wobstatk džěła z dźěćimi a młodžinu we wosadach. Zaměr je, nowu kulturu wzajomneje zhromadnosće wuwiwać. Za to su prewentiwne struktury a procesy trěbne. Worklečanske dekanatne dušepastyrstwo za dźěći a młodžinu poskičuje k tutej temje kubłani po pónđzelomaj 19. meje na Ralbičanskim „Radlubinje“ a 2. junija we Worklečanskim Don Boskowym domje, stajnje wot 18.00 do 21.00 hodž. Wšitcy pomocnicy na nabožnych prózdninskich dnjach we wosadach, ale tež dalši čestnohamtscy, kotřiž maja tam zwisk z dźěćimi a młodostnymi, na přikład w sakristiji abo ze šolu, su na jedne ze zarjadowanjaw wutrobnje přeprošeni. Ličba městnow je wobmjezowana. Přizjewjenja přijimuju so jenož online. Link k tomu kaž tež k dalšim wažnym informacijam je pod [www.posol.de](http://www.posol.de) wozjewjeny.

*Sabina Lanzyna, referentka za pastoralku dźěći*